

Wiodro

Sł. E. Pryczkowski, muz. T. Dargacz

Co je zasóné w kòżdìm bòrénkù
Na zymkù
- Dobré czë lëché - wërôstô chwatkò
Òb latkò.

Jak farwë tãdżi czasã sã mieni
W jeseni,
Brzôd rôd òddôwô w mądroscë sëmie
Przë zëmie.

Ref. Czej wicherë pchają w chëcz niezgòdã,
Człowieka rwią za wszelczé kùńce,
Le w sercach wiedno je pògòda
Pò kòżdì szladze wińdze słuńce.

Wiodro je bënë w nas do spòczinkù
Òd zymkù.
Dobroc rozwijô w dëszach bògato
Przez lato.

Chto seje wiater - z grzmòtã przegòniã
Jeseniã,
Dze bezpiek w sercu stąd cepło plënie
Chòc w zëmie.

Ref. Czej wicherë...